



Broj: 10/1-34- 022149 -1/24
Tuzla, 02-09-2024 . godine

Ministarstvo obrazovanja i nauke Tuzlanskog kantona na osnovu člana 8 i 22. Zakona o ministarstvima i drugim organima uprave Tuzlanskog kantona ("Službene novine TK", broj: 10/18 - prečišćeni tekst), a u vezi sa članom 6 i 34 Zakona o osnovnom odgoju i obrazovanju - prečišćeni tekst („Službene novine Tuzlanskog kantona“, broj: 10/20, 8/21, 11/21, 22/21, 5/22, 10/22, 11/22 i 12/23), ministar obrazovanja i nauke Tuzlanskog kantona, donosi:

ODLUKU

o organizovanju nastave po skraćenom nastavnom planu i programu.

I

(1) Cilj pohađanja nastave po skraćenom planu i programu je da školski obveznici koji iz različiti okolnosti nisu pohađali redovno osnovnoškolsko obrazovanje, steknu odgovarajući oblik obrazovanja i odgoja kako bi sustizanjem nastavnog plana i programa mogli po redovnom nastavnom planu i programu steći osnovnoškolsko obrazovanje.

(2) U školskoj 2024/25. godini, nastava po skraćenom nastavnom planu i programu organizirat će se u sljedećim školama i to:

JU Druga OŠ Živinice,

JU Druga OŠ Gračanica,

JU OŠ "Klokotnica" Klokotnica,

JU OŠ "Kiseljak" Tuzla,

JU OŠ "Solina" Tuzla,

JU OŠ "Ivan Goran Kovačić" Gradačac,

JU OŠ "Kalesija" Kalesija

JU OŠ "Banovići" Banovići

JU OŠ "Lukavac Mjesto" Lukavac

JU Druga OŠ Srebrenik
JU OŠ "Čelić" Čelić
JU OŠ "Grivice" Banovići
JU OŠ "Sapna" Sapna
JU OŠ "Teočak" Teočak
JU OŠ "Kladanj" Kladanj
JU OŠ "Lukavac Grad" Lukavac

II

(1) Nastavu po skraćenom nastavnom planu i programu u školama iz tačke I stav (2) ove odluke, mogu pohađati učenici/školski obveznici koji iz različitih okolnosti zaostaju najmanje dvije školske godine, odnosno dva razreda u odnosu na generaciju učenika upisanih u školu, u skladu sa Zakonom o osnovnom odgoju i obrazovanju.

(2) Nastavu iz stava (1) ove tačke ne mogu pohađati učenici /školski obveznici koji su ponavljali razred kao redovni učenici predhodne školske godine.

(3) Nastavu iz stava (1) ove tačke mogu pohađati učenici do navršene petnaeste godine života.

(4) Ukoliko učenik do navršene petnaeste godine života ne završi osnovnoškolsko obrazovanje, isti se upućuje na završetak obrazovanja sa Zakonom o obrazovanju odraslih.

III

(1) Škole iz tačke I ove odluke vrše upis učenika za pohađanje nastave po skraćenom programu na osnovu podataka nadležne gradske/općinske službe, centra za socijalni rad, Kantonalne uprave za inspeksijske poslove i drugih podataka ili saznanja.

(2) Na osnovu podataka iz stava (1) ove tačke, škole iz tačke I stav (2) ove odluke podnose zahtjev Ministarstvu obrazovanja i nauke Tuzlanskog kantona za formiranje odjeljenja/grupe učenika za realizaciju nastave po skraćenom nastavnom planu i programu u skladu sa Pedagoškim standardima i oćim normativima za osnovni odgoj i obrazovanje.

(3) Po dobijanju saglasnosti iz stava (2) ove tačke škole mogu organizirati nastavu po skraćenom nastavnom planu i programu, s ciljem pripreme učenika za polaganje razrednih ispita.

IV

(1) Nastava po skraćenom nastavnom planu i programu realizuje se u dva ciklusa tokom školske 2024/25. godine u trajanju od četiri mjeseca po jednom ciklusu, po programu kojeg je utvrdio Pedagoški zavod Tuzlanskog kantona.

(2) Po završetku jednog ciklusa iz stava (1) ove tačke škola organizuje polaganje razrednih ispita u skladu sa Pravilnikom o organizaciji, načinu i vremenu polaganja dopunskih, razrednih i popravnih ispita učenika i polaznika u osnovnoj i srednjoj školi.

(3) Učeniku/školskom obvezniku koji položi razredni ispit izdaje se odgovarajuće uvjerenje o završenom razredu.

(4) Na poledini uvjerenja iz stave (3) ove tačke, škola će naznačiti "Učenik je završio razred po skraćenom nastavnom planu i programu u skladu sa Odlukom Ministarstva obrazovanja i nauke Tuzlanskog kantona", uz potpis direktora ovjeren pečatom škole.

V

Odluka stupa na snagu danom donošenja


DOSTAVLJENO:

1 x Školi

1 x Evidenciji

1 x Arhivi

AB/AB



MINISTAR

Dr. sc. Ahmed Omerović